

四庫全書

集部

欽定四庫全書

西河集卷一百七十一

翰林院檢討毛奇齡撰

五言律詩_四

送何生赴沂州邵使君幕

曾子浴沂後嘉賓入幕年
黃梅江上雨行李泗州船
祖帳傾吳酒官程接魯田
使君今管仲應著牧民篇

尤司理園林飲次和韻四首

是地真幽絕臨流亦快哉長林迷草樹遠水見樓臺柳
色遮成幔荷花卷似杯泉明有三徑早已賦歸來

二

吳苑饒名勝斯游倍爽然平橋低着水高樹暗參天露
席驚鷗起繩牀對客眠舊時池館在只許辟疆傳

三

東城環壠畔北柴傍湖濱金谷園中酒藍田庄上人雲
深常帶雨日隙不流塵處處蓮塘滿何從下釣綸

四

紅泉疑物外碧草遠人間
圖史長年靜琴樽入夏閒
開扉通下塢隔郭見遙山
倘許留旬日無容覓棹還

登箕山

為訪箕山隱淹留潁水間
千秋高士地一片白雲閒
暝鳥枝頭嘯春花石上斑
清泉堪洗耳不欲竟來還

箕山有懷

處治能忘賤居然遂爾超
知時來避禹生世幾逢堯
石

蔓披香褐山松掩翠瓢
嵩高棲息地一望在青霄

玉溪村家

碧篠參天密清流抱屋
斜衣冠忘歲月門巷遍桑麻
晚日東亭酒春風西曲花
終年愁避地思煞此村家

憇叢祠

叢祠臨大壑高閣俯層波
破壁銷圖書殘碑冑薜蘿
山深通鳥道地僻有漁蓑
却羨投竿者悠悠意若何

荷澤

荷澤將迎暑陶丘轉上征
野花薰日墜深樹引涼生
負郭荒村淺連郊古瀆平
賣漿師尚父空向路傍行

土寨

土寨分徒輦山橋度馬蹄
花邊迴望遠棗下引頭低
客舍壘春繞人家酒旆迷
紅塵遙合處日落太丘西

宿儀封懷王少保

變姓游梁楚棲遲孰問津
高門懷少保下館對封人
葛屐餐當午榆花墜晚春
驅車千里客望起浚川塵

定陶道中并謝魏文學兄弟

奔走未寧息
幡然濟上行
陶朱游子姓
毛遂野人名
風落揚橋暮
烟籠麥坂晴
望門堪止宿
孔氏弟兄情

征行曲

車騎出龍沙
屠耆轉戰賒
長雲迷白漫
大雪下黃花
夜火連邊障
天兵識漢家
延州有軍吏
勿使右賢遮

二

旌旆繞邊風
將軍遠鑿空
五原徵少俊
十乘啓元戎
月

落關山白烽高塞谷紅磧西皆內地不必備回中

三

北斗覆黃河征行日荷戈全軍通救勒救餉過滹沱玉
鏃遮鴻雁金裝繞駱駝寒風吹角罷猶聽短簫歌

四

王者慎佳兵志士喜從征赤羽馳河外黃榆落薊城飛
狐方轉戰飲馬自橫行五郡良家子何時返玉京

長至夜答徐生體仁見懷

朔雪下層冰嚴飈轉玉繩躬耕懷孺子麗句想徐陵律
動牽緹縵衣寒覆瑁璫陽春初起和愈使野愁增

題吳九彥聖所藏黃檢校寒林畫幃

過臘回清境何年製粉圖晴鳩翻領繡雪糝墜花拊散
彩分毫末輕寒辨有無深林求勝事令我念成都

夜雨集桐音

百里鑑湖輕風度畫撓衡門春寂寂山雨暮瀟瀟帳
煖融桑落燈流動草苗明朝攜屐去應醉綠楊橋

平津簞醪河飲次作

十載論文契千秋尚友情長貧思鮑叔多難感虞卿夏
雨槐廳靜朝花莞簞清簞醪相對飲偃蹇媿平生

寄贈朱大禹錫出宰山陽

漢室臨淮郡銅章分治遙軒車洪澤雨錦纜射陽潮叢
桂依官閣魚鹽散市橋南陽朱季在應聽府中謠

董良楨明府候選歸里

振策游蓬苑看山返鏡湖秦官需縣令漢相重江都日

下開金簡花間啓玉壺鳳毛才五色羨汝早棲梧

嗣佳曰克

十為伯音
先生長君

若耶溪

春水綠紋斜行行度若耶樓頭吹柳絮溪口種荷花翠
袖方扶漿明粧出浣紗是誰騎馬去招我過東家

閨晚

少婦新粧罷東墻日薄時暮光流雀噪晚樹織蛛絲油
壁歸來早紅繩拋去遲城南桑墪下猶駐五金羈

川上望月

旅宿清川月流光冷欲侵臨軒時倚徙竟夜起沈吟水
靜浮寒壁風來蕩碎金前洲驚汎景定有未棲禽

懷沈司理嶺外

粵徼驅驄馬循城佐鹿車蕉花扶使節笏子削刑書海
日霜旌麗瀧臺水鏡虛紫雲東嶺望時見起金魚

送向陽游天台歸還舊京

華頂看朝旭天門聽海雞浮槎環碧草挂席返青谿流

水樽前逝桃花去後迷中秋明月滿疑在石梁西

全友送康臣肩吾二國子赴都和韻

十載聯鄉譽同時詣帝居暫為三舍客不讀四門書漢
苑推司馬膠西聘仲舒楊園春暖候看上總明車

二

淶浦開行餞朱花拂去鞍著成郎省賦名在太常官觀
起東西偉人分甲乙難長安游顧陸仍作洛中看

送龍川令之官

再捧郎官檄重尋茂宰船看花還雁塞飛舄下龍川
盧橘垂江館丹蕉拆露田揮絃吟舊曲莫忘葛公篇

獨駕小艇行大舶橫闕不得前賦用自慰

小艇蓬根婦垂鬟亂似麻誰家艫畔女雙臉豔如花倚
棹歌殘月新粧照淺沙片帆相顧遇各自惜年華

顧侍御巡鹽將還京姓以羈游不得奉餞申此

二詩

嗣佳曰顧西巖先生以
文章名世舊知西河

直指達霜威聞將返禁闈雕鷹當午擊驄馬速春歸斥

地留葭鼓朝天整繡衣鄉關期飲餞竟與寸心違

二

柱史巡吳海星軺起宋宮波連霜簡白花映繡衣紅三
坐需鳴鳳諸侯合避驄自憐流滯客腸斷浙潮中

東許記室

欲賦共王殿還登杜甫臺岱雲搖北斗海日近東萊齊
魯文章勝郗枚賓客才湖陵城下過俟我一徘徊

蓮河祝贈

為朱敬身
尊人也

丹鳳起南柯靈椿長舊柯清觴銜栗里高閣近蓮河植
杖生風雨裁衣捲薜蘿海鰲垂釣去有子勝詹何

夏首送李三還興化時京口有警

兵甲未寧息憐君思故鄉到來江路永歸去海天長葛
葉裁新服荷花蔽野航舊時雙劍匣仍入一空囊

二

古驛平潮外長帆細雨中愁心浦草綠遮眼石榴紅烽
火吳王塹烟花煬帝宮前途如未達歸去莫匆匆

聞天章還家清源

倪生久失意託跡江淮間
一旦便辭去飄然歸故山
清泉流古縣晴日滿郊闌
我本無家客愁看飛鳥還

勃安書至云天章一草亭
分與居且曰薜荔花開綠
陰滿庭室邇人遙不覺泪下

今日復前日故人還故鄉
草亭無恙在聞道與劉郎
夜月江淮渡春風薜荔牆
夢中尋路遠那得到東昌

題卷西堂并序

閻氏自山右來淮名其堂眷西不能忘舊乃從堂主人再彭之請云耳

甲第移家遠茅堂倚郭新久為淮海客仍是太原人荷
蓋看留楚瓜生想去幽天涯多蕩子誰得買君隣

二

鹽筴開鴻緒魚鱉念舊鄉人倫重東國彼美在西方啼
鳥聽幽谷流泉繞夕陽千秋垂乃眷聊以志斯堂

旅次送劉孝廉赴試

卷一百七十一
把酒江城暮逢君赴帝京春華忠庶子歲晚見劉生好
友多聞達中原罷甲兵驂騑相顧去記取贈鞭情

信宿

信宿幽人境流連野老家蜂撩礪底絮魚沫水中花踏
竹翻田畢看雲拂釣車平疇通曲塢猶見好桑麻

南村叟

最喜南村叟長耕西社田蒲衣遮雨後稻種浸春前安
分能完課憑勤減貸錢終朝力作苦一話太平年

將過鵝湖經釣巖作

望望鵝湖勝青崖去不窮
人行鴉樹底山在水光中
巖寺浮天碧溪蒹隔歲紅
幾時幽覽遂重訪葛仙翁

送外生

多難隨郝氏他鄉別魏舒
外家憐爾勝相宅竟誰居
夜雪廬陵酒秋風甌社魚
一為殷浩詠雙泪落衣裾

秋夜姜侍御席上贈胡璩二首

東道開丹幕南臺敞素秋
白榆天上落青桂月中浮
旅

燕棲華屋蒼鷹下錦鞬孝廉誰第一伯始在中州

二

烏府陳瑤席黃星映少微萱花和晚繪蓮葉翦秋衣夜
靜江聲遠霜清燭影稀金鈎一十五親見巨魚飛

原韻酬德俊

命世甘時詘循墻守德隅人誰憐抱璞俗尚好吹竽北
海君家論南州漢季儒青春方努力莫忘鯉庭趨

徐九芳烈採得雙頭紫芝

三秀何年種雙花獨自攀
階庭分謝樹兄弟共商山

詞佳

曰徽之為
涵之次兄

華益春雲紫金莖
曉露殷芝房歌再起苦憶

漢京還

壽蔡貞女詩

有序

蔡貞女者予里蔡青蓮君女也許配山陰余孟宣未
及婚而孟宣病歿標梅未將叢蘭已敗貞女告其父
素車請徃徃則賦兩髦而守志焉歌傳蔡婦嘗看菜
苔之花絃斷中郎不辨鴛鴦之線予故撫女貞之木

而流涕彈思歸之操以傷心况孟宣家有忠節翰林
赴水謁帝蒼梧明府歸田攜朋白社遂因貞女之五
旬謬踵高賢之四韻雖知無當於雅嘆聊以紀予之
里吟

矢作余齊室真成蔡宋賢三春垂嫁子五十未亡年衛
女流泉操貞娘茂木篇彈琴稱壽酒泪落一觴邊

壽錢節母

東海稱閨範南山啓壽書瑤臺龍管合漆室蟹筐虛上

客敲銅狄諸兒御板輿青陵他日路堪作廣成居

東黃二之翰

絕愛湖東墅頻思江夏黃閒情春樹賦高閣午橋莊碧
乳傾蒲棧紅船載豆娘榴花新雨後相隔在端陽

二

謝爾傳瑤東邀予汎桂舟萱亭迷浦淑艾雨暗汀洲採
藥留丹井分衣入畫樓東湖逢令節愁絕此中游

發茱萸灣并寄徽之大敬南士桐音

曉樹前村白孤舟獨夜醒一身叢怨悔廿載竟飄零江
濶流宵露衣寒覆曙星茱萸何處採愁思滿前汀

雨中望廬山

秋雨入鄱陽浮浮接混茫丹崖迷北滙青影散南康波
面雙帆渺天間九嶂長望中真汗漫何處問柴桑

泊匡廬下

屢涉三潯水還依五老峯流飈衝洞壑寒雨漱芙蓉城
僻迴陽雁江空度暮鐘捨舟毋恨晚自有白雲從

遊敬亭

秋色滿晴澗我來遊敬亭
長林消雨綠空磴出雲青
靈蹟開金刹高吟倚翠屏
陵陽手可接何必眺明星

得家人所寄衣

頃有秋衣至誰憐王彥寒
寄遙無使到縫密避人看
約帶鈎金緩連絲泪未乾
可憐裘敝久不用到長安

二

蒙袂誰相問招魂未有名
故衣鄉井思新練藁砧情
歲

暮羊哀去天寒范叔行無須勞旅婦長誓水清清

廢第

廢第誰家舊綠城是徑通臺歌公府側簾斷妓樓東倚
井芭蕉綠燒池菡萏紅田文捐館後誰聽雍門桐

阻水小澆津館懷徽之

積雨迷津館驚風阻客船柳塘傾晚漲草屋閉朝烟近
縣投無地懸江泛到天南州徐孺榻相對是何年

來鳳亭夜集分韻得青字

春草暗汀汀春風江上亭
烟寒千樹白月出萬峯青
換席穿林火凭欄落浦星
山公留醉曲長使葛彊聽

春游即事

江郭看新柳山亭數落梅
鳴蛙當晚日驚蟄動春雷
野氣蒸車幔鄉心入酒杯
津橋臨眺遠燈火莫相催

夢李達

萬里三韓客連宵頻見君
關長人竟度悲極語無聞
江上雞竿月天邊馬塞雲
相看知是夢把袂愈難分

晦日

又爾當初晦湔衣恨若何春光三十盡歲序一分過柳
色搖金穗梅花墜玉坡明朝逢令節不道是中和

唐以二月

朔為中
和節

過萬竹禪院

孤游復遠尋蕭蕭萬竹林晝靄當門合春雲出殿深龍
潭諸佛影禪誦上人心幾疊青苔裏誰憐有布金

客中至日翻轅杜甫小至詩遣興

至日將添線中冬且放栝山雲時覆岸葭館又吹灰柳
弱春相刺天寒臘欲催六陽生意動不待異鄉來

附何道安詩

天意吹陽動山中臆欲梅殊柳異生
事至日且添栝柳岸容人放葭灰教館催寒冬飛不

待相刺又春來

徐克家詩

天將陽事至臘且待春催弱柳添寒動

山雲放日來刺紋生繡線吹館待舒梅異國殊鄉意
教人欲覆栝

西山雪行邁先大人忌辰

寒雪西山裏蒼茫祇一身百年皆恨日七尺是亡人葛
屨時行地芻車未返窀王修真不孝掩面度茲辰

二

自分違桑梓無須廢蓼莪寒風吹袂裂凍雪沁心多禁
日天邊度趨庭夢裏過可憐生罔極行役遍山河

寄懷姜都諫

每憶姜都諫相看意氣真分星同碧酒開閣讓烏巾晏
子真知己朱雲本直臣十年違道路生死託何人

詢來十三時美消息不得

曾有婚姻約長悲兒女殤違離同隔世夢寐在他鄉白

首歸侯幕青天斷客航漂流何處問掩泪過東昌

騎病驛馬有感

白馬白龍兒春星皎皎姿官槽傷玉臆驛路斷金絲病
沫垂來溢卑蹄蹴去遲田方今在側泪落不能騎

墮馬解嘲示同游諸公

峻坂一長鳴風高馬自驚非關多軼步豈是合徒行王
濟盤猶狡羊公臂尚輕從來騏驥相泛駕是星精

散粟

噉栗秋山裏清甘勝脆桃撲來團露棘拆去用霜刀銜
實同溪鼠穿林羨木獠解飢方拾橡切莫厭貪饕

二

山菓經時覓溪亭便坐餐日斜雙澗暮雨過一林寒叢
刺刺金彈重衣剝翠紈女筐攜不盡還向樹頭看

奉贈丁進士克揚母太君初度

乍向金門返忻看錦悅陳觴傳東第客花擁北堂人錫
壽丹書古徵歌絳樹春

抑之家伎
部名絳樹

最憐雙舞袖燦燦賜

袍新

泛碧浪湖

曉日青絲竿春風碧浪湖野塘翻宿燕淺水漾新蒲隣
舫歌來豔前溪人姓盧那堪臨汎去懷舊起踟躕

寄遠公八姪

旅思恒千遍家書無一函河魚終疾病越燕又呢喃演
易思王濟投林想阿咸明年春草發為我搆東巖

題八寶王子葯房

幽思裁芳檻佳名重葯房欲持荷作柱私喜杏為梁
日連滄海薰風動射陽烏衣新巷改猶幸見諸王

題雲門道五松亭

偃亞杳柯濃空亭倚衆松山雲飛冉冉溪雨過重重
紅羽巢孤鵲青天拔五龍闌干秦望起無復大夫封

寄酬劉中柱原韻

不作平原客長思鄴下才擬觀滄海去還向白田來
酒旆搖紅露衣車蔽綠苔秋風歸棹近就汝一登臺

曉發呈伯元

涼月幾時落渡頭風正生四時寒役苦百慮曉眠驚
晏吳關路江高季子程青天看不極一雁向東行

淨慧園奉陪儲公赴志公法食

白社留方俗青蓮樹法垣維摩香積寺長者給孤園
鹿盤間起飢烏掌上喧衡廬相望迴無處可攀援

二

精舍何年築黃金布未成隨時觀有道就食得無生
逆

水流香椀飛花散上城曇摩逢寶誌同有渡江情

經張梯舊居

尚有青堂贈寧知白馬來盤飧仍地主涕泪滿泉臺叢
草留人暗繁星照户開隣家吹笛苦中夜起悲哀

二

十載窮泉路千秋處士廬驕兒彭澤訓難弟晉陽書

時南

士滯解州棘楚悲黃鳥鄉潭上白魚誰憐徐氏劍猶挂子雲

居

三

不作西州哭依然東道親文章真墜地朋舊尚為人海
鶴何年返山花幾度春空堂樽酒夜獨坐聽雞晨

和徐水部南闕署中八首

宋德壽宮梅

嶺外何年種相攜入故宮風開上林雪日映壽陽紅吹
笛官亭香裁詩水部工孤山宋處士苦憶月明中

二友軒一名梅石雙清處

古署開三益前除有二難經營輸匠事冰雪受冬官石
轉江心動花飛隴上寒方春鳴鳥下倚徙近闌干

玉蘭臺

陌上春光滿檐前曙色幽但知都水監不見望春樓香
霧迷銀版晴風敞玉甌高枝何所寄為我問鳴鳩

桂墀

曲室依蘭橈空階映桂枝涼風吹碧葉秋色滿丹墀天
上披香殿淮南叢樹詞王孫能待我千載一相思

石芙蓉

不見中書石長聞在錦林鞭成跨海路削取木蓮心枯
鮮粧秋色寒花老夕陰五工無限意慘澹到如今

蕉塢

碧甃深成塢叢蕉折作阿雨餘蛛自網夢裏鹿曾過翠
影搖虛榻冰心卷素羅南方多草樹愁望奈君何

閣後梧桐

金井風初落銀牀月欲回臺含琴瑟響閣引鳳凰來南

岳千秋榦龍門百尺材冬官有司園榘棘莫相猜

雲峰

怪石堆盤砌荒臺傍日曛湖星懸不落湘燕舞能羣
辨岫疑春雨從風轉夏雲青州曾作貢審飭莫紛紛

送客之天台是時海上方用兵念其垂老入戎

馬地繫之以詩

戎馬正紛紜城南一送君仙山天外路竹蓋嶺頭雲
楚雨迷初歇川程去不分欲留知未得倚徙傍斜曛

二

渺渺章安道君將何所之榴花環岸曲梅雨遍天涯玉
洞貽書遠丹崖控鶴遲倘尋華頂去莫賦惡溪詩

三

固欲尋仙島還思渡海潮兵連白嶠驛人上赤欄橋雨
拾溪中橡霞分城上標金堂堪避地仙侶定招邀

四

水白過新鷺山黃熟早梅百年逾甲子五月上天台采

藥旌旗暗看花溪路迴赤城逢許邁但勸早歸來

周侍郎來湖上辱貽賴古堂集用龔掌憲贈侍
郎南還詩韻二首奉寄

九彩朝陽鳳單棲城上烏爵羅同處少羽翼望來孤高
藻傾三峽閒情寄五湖吳中饒賤士留盼在菰蘆

二

夫子真蘭質違時名櫟園夷魚推介節賦鵬幸生存古
道誰持攬新詩藉討論生平感知已不獨識虞翻

餞姜七國昌北行

暑帔越羅輕薰風送遠行紅船揚子渡黃馬信安城帝
里秋花早仙臺曉露清故宮封碣石猶識大鄒名

二

別酒傾胥浦離歌起射湖馬周非朔客王粲去西都紫
塞燕關遠黃金易水孤丈夫原有志五十况縣瓠

遙同薛寀徐崧九日倡和詩

九日題詩易三秋會面難登臺思宋武招隱愧劉安黃

花開節冷白雁度關寒欲採茱萸寄臨風仔細看

贈楊二洵美

江左王郎寓城西許掾亭解來黃絹字草就太玄經
花院逢歌葉松壇訪負苓天池千萬頃時洗鳳凰翎

二

遯跡憐幽境名賢重過江遊遨時有待清白世無雙
紫水浮丹鼎青油啓碧幢南園花發候日日醉春缸

觀查孝廉蹴毬

七寶繡文毬花前蹴蹋遊拋虹隨地轉趨月似星流戲
古遺鈿杖場空近畫樓綵門三躍後時毬師三透毬門翻向碧
枝留

蹴毬妓

畫袴錦毬帘團花溜復黏繡雲紫髻影撥地用鞞尖趨
捷風隨帶低回月滿簾近人佯背拂不用更迴瞻

白馬

蘭葉出雕題梨花剪白蹄縱金無跼步噴玉但長嘶並

日雙瞳曜追風萬里迷權竒看汗血不獨大宛西

二

海豹白花烟龍毛拂錦韉玉翎翻雪薤鐵足散冰蓮掣
練銜絲細環珠束帶圓燕昭曾不遇驥首是何年

答魯生

我愛龍門勝君從狗監來風清玄度宅霜滿越王臺月
旦忻能副兵戈苦未迴只今東海上深憶仲連才

陸少府自南海還京枉顧留飲

試吏南天遠還京北望遙將看鄜亭月遂渡浙江潮馬
首稱新語烏蠻有舊標明珠船不繫為我上河橋

二

幸返橫槎浦重逢鎮海樓種花歸五嶺振轡及三秋丹
闕需黃牒紅亭泛白甌殷勤無別語但看水東流

同姜黃門希輟陪太翁虞部看梅西溪即事

車騎出城西芳流傍碧蹊雲深穿竹暗日暖照花迷午
寺停山屐春船纜水畦徐家庄上路咫尺是西溪

二

小檻低還敞平橋斷復通
村迴千澗外人在萬花中
酒晃當筵日香隨過慢風
看梅官閣興留醉任山翁

三

暮宿龐公宅朝尋許掾家
山前五里霧溪上百層花
撒轆踰連塢乘查度曲沙
如何林下友尚自隔天涯

時入雲溪

訪狼亭
不值

懷來十四度別駕雲南

萬里滇陽道，孤身洱海邊。
從軍踰絕徼，別駕任南天。
歲課車蠻井，春開路賸田。
中郎方建節，歸國是何年。

呂八師濂劉大孔學游滇府有懷

司馬持旄檄，張騫出夏城。
高文標鐵柱，大府重銀生。
蒟醬三都賦，蘭王七郡兵。
彩雲何處見，終古望昆明。

希軻曰漢

武時彩雲見南中

將投滇陽寄呂八

避俗投窮徼，無家逐荷戈。
死生留八甸，居處託諸羅。
黑

角蠻中路青蛉荒外河永昌呂凱在文教近如何

誥贈中憲夫人執紼詞

未啓滕公室將歸縵氏城花間金誥在天上玉樓成遙
海悲濤壯前關落日平行看龍尾上彷彿婺星橫

二

鸞馭搖旌碧龍章映篆紅三遷標令節雙表待秋風賜
帔流花露遺文賦草蟲古來翻大鳥閨閣本相同

雪夕病起翻少陵臘日詩同諸公宿巴陵署

日洩鬢脂煖年還澤草消翠萱侵臘色凍雪散春條藥

管隨良月銀光漏紫霄今朝謀醉夜陵下酒家遙

希軻曰十

月為良月見左
傳言病自冬也

徐克家曰是詩最難翻時相約翻入脂藥鬢管等字
故尤難猶記何道安有謀家隨下澤醉雪縱今朝語
頗佳子隨成復已始知觀成不如
下手欲如此高融朗密未易到也

周括蒼茂源貽書以未歸失展裁因賦代答

一代風流守曾經刺括蒼十年夢寐客相別在南昌閱
歲驚霜雪懷人致鯉魴那知游蕩子猶自滯江鄉

予宿桐音宅出所賦慰詩四章妙麗愜愴諷之

傷懷因勉酬三詩導情

故國藏車日他鄉賣餅人
秋衣憐季布夜酒對孫賓
閣下紅蕉暗燈前白髮新
十年悲往事相顧淚盈巾

二

依徙當時暮還歸未晝遊
久辭荀里去仍向孔門投
霜葉吟東郭秋星墜北樓
誰憐頻把袂猶攬舊烏裘

三

因日知音少，衰年好會難。
驚心聽漏促，久語落杯寒。
妙句當筵發，嬌兒出幔看。
夜闌生感激，對飯不能餐。

擊銅鉢和天衣禪題十首

丹壑啓蒙茸，招提表十峯。
殿方環埤堦，人似坐芙蓉。
嶂連疑複添，雲襯轉重摳。
衣因避地長，愧舊周顛。

右十峯

翠壁千尋拔，清溪雙帶幽。
飛崖看散下，到寺喜同流。
覆草披遙磧，浮花逐細漚。
巖前斟法乳，此下有龍湫。

右雙
澗

刺史前朝彥臨文書亦豪螭頭標去麗鼈背負來高金
壁迷蒼蘚銀鈎折白毫千秋黃絹字相對轉蕭騷

右北
海碑

眉池何歲鑿傳道在西陳掛月如圓璧浮波只半輪丹
顏隨鏡破碧甃帶沙湮入水酌功德無容幻影親

右半月
泉池

法寶翻華藏經臺展妙香慈賢真下座好女自提筐露

宿隨烏子雲開見象王僧繇曾有畫飛去在何鄉

右普
賢臺

七寶梁王供三皈晉季崇天衣饒鉢錫佛像本金銅守
瑞亡前代神綻出漢宮傷心賢惠國看賜繡經紅

右帝主頌賜
經像衣錫等

截窠雲門嶼蕭條下寺灣鷺曾遷舊嶺龍尚護雄關翠
甃圍禾黍荒臺盡草管刮灰何處認金布滿空山

右下
寺灣

方丘如對仗列岫正標門左右分環衛中間奉至尊馱
經蠻象伏說法弋獅蹲何似恒河上祥禽擁佛園

右獅象

對峙


蜒蜿喬松埂依稀古塏幾千花龍負湧七級雁銜飛翠
粒浮沙遠蒼鱗偃蓋微夕陽殘照裏應見寶幢歸

右古松埂為

三塔舊址

清磬三時靜踈鐘五夜號雲邊迴竹閣天半吼蒲牢度
磬疑秋雨連山響暮濤陶潛歸較晚巨挺問誰操

右鐘樓



西河集卷一百七十一

欽定四庫全書

集部

西河集卷一百七十二
三

詳校官編修臣曹城

助教臣常循覆勘

總校官庶吉士臣倉聖脈

校對官庶吉士臣吳省蘭

謄錄監生臣許溶

欽定四庫全書

西河集卷一百七十二

翰林院檢討毛奇齡撰

五言律詩

五

北征二首

南浦歌難斷東山望轉親
素絲方薦壁斑鬢已如銀
據地憑方朔東方朔有將車共買臣誰憐千里驥垂老入

風塵

二

乞病書誰上登車路自分驛駟難作隊羔雁枉成羣小
草經霜出枯蘭藉火焚周顛歸計在休作北山文

題陳節婦卷子

東海波難逝南山烏自翔嫁衣長在桁婺緯不盈筐玉
樹當堦綠金釵墮井黃羅敷年五十無復採春桑

清明日彰義門送客

丹禁分題罷青門送客行鄉程悲阻隔佳節遇清明帳

飲風前緩車塵雨外輕鳳城新柳色欲折不勝情

傳臚侍班

景運開科舊

天門放榜新

九重忻得士三唱換臚人

陞仗排雲曉

宮花照地春慶雲成五色喜氣徹

楓宸

送單贊府之任休寧

姑理松間詠無卑柳下官青袍還舊服白舫上新安霜
後民田熟雲來鳥道寬黔山千萬戶總作洞天看

二

玉闕依連歲金風送及秋簽書憑贊府宦跡羨徽州亭
敞堪棲鳳刀懸俟解牛鄉心和婺水同向浙江流

同諸公集家明府會侯邱舍分韻得花字

禁苑度歸鴉開罇對燭花羊羹烹芍藥龍劍合鏌鉞書

辨三墳博歌看兩髻華陶家有宗誼相顧感長沙

集家明府同諸公賦鹿脯分韻

野艇分難得仙厨劈最宜盤空方決齒裘暖不須皮得
草呼朋急包茅誘女遲平原遺帖在誰與共臨池

集韻牌即事

高會開三雅裁詩抗五都分題標綠字就坐擁丹鑪狎
雀遷林牖看蟲結井梧他鄉相對晚那惜歲將徂

喜梅庚至同施侍講韻

客館綠草發酒市青帘開春色幾時到故人千里來公
儀有儒術梅福本仙才駿骨當時重黃金更築臺

再用前韻贈梅庚

上國逢春至橫門喜旦開花看鄜亭發人自北湖來遠
興同仙尉高科却茂才帝鄉能攬勝一眺華陽臺

送汪令之任淄川

為邑當齊地之官到祝其山環羊叔里花發鄭生祠玉
匣開丹篆金堂展素絲陶潛行縣去剛及早春時

二

歷下初為政陽坡舊有名
綬花隨鷓轉書籬近庭生
目送雲山遠心同海嶽清
興來能種秫不礙魯田耕

長安春雪初霽飲閣學李夫子宅分詩牌集字

同顧二舉人魏大員外

禁曙初融凍城春已放
妍堆山斜作練着檻細流鉛獸
撤含灰凹鷓翻落糝圓南隣
追勝屐望盡白毫顛

奉和高陽相公除夕入閣草制即事原韻

制為專簾草車從過闕停曉含樺燭彩春入柳條青冊
府迎三朔台階轉六星東風方及物論變本無形

二

餞臘金門外封函玉案前椒盤兼饌美桃板綴花妍暮
北來王日荆南收盜年彌綸終歲意應向北宵傳

謬和高陽夫子除夕草制原韻辱蒙賜詩仍用
前韻詞過獎誘因復依韻奉呈二首時己未

臘月三十日

翠柏傳方始寒
蓬轉未停送年
憑酒綠垂老脫衫青北
闕迴陽景東方愧歲星
四時看再造草木自含形

二

日次行將盡天階望不前
松盆驚歲晚花燄待春妍
運際風雲會恩深戊巳年
昌黎安蹇劣敢藉上書傳

贈邗上巴君

曉樹能棲鳳秋河看上魚
人垂高士傳家有太常書鄉
酒隋宮遠林花

帝里疎隔江如有贈吾欲採芙蓉

金黃門五十

張湛馳堯闕王褒使故鄉蒼龍環北斗鳴鳳在朝陽
婺水呈丹籙秋花映阜囊黑頭看入相五十省中郎

晚宿傳是齋贈駱佳采作

即徐昭華
外人也

開卷烟雲集當軒花樹明賢為齊地客少擅義烏名
永夜看揮塵掄年及請纓閨中有徐淑莫忘迷昏情

贈禾中盧使君

南服諸侯在東方千騎臨楮模需子幹經術重盧欽德
比崑山玉清辭昌邑金伯牙臺畔過誰與道知音

盆桂和韻

穎氣三秋爽丹葩四蒂含幽香聞月下佳賦詠淮南屏
隘襟逾擴盆低手可探不須分作釀待飲幾回酣

同枚典簿集梧陰草堂

梁苑論文候西園對酒時朱櫻堆似火碧鯉鱗成絲雨
過收雷遠雲開度日遲據梧看病減枚叔有新辭

送陶丞之官

試仕趨伊洛之官入澗瀍雲山開縣道河水灌鄉田朝
雨催行轆秋花點贈鞭驛亭無酒榷留醉使門前

蒙陰道中

城隱斜陽裏旌連古驛中林霏開北道山勢萃東蒙草
閣侵雲綠羶車度野紅因思作藝日羽畎舊能同

殿試和李中允作

制策恢鴻典臨軒展

睿裁天人齊奏對雲漢自昭回綵筆爭花發
鑪香引篆
開封題

天語近不藉鳳啣來

元日同諸公集曹舍人宅限韻

上日尋良宴高軒集勝亭歲筵籠暮靄天闕聚春星
餅
汎椒花赤詩題柿葉青獨慙元旦會未設戴憑經

二

帝里人俱集春杯客共銜相逢稱壽履雜坐間朝衫麗

賦推曹植新聲度阮咸五辛盤正美勿復嗜酸醎

奉和

聖製閱河隄作

天子念河決親詣龍淵宮隄與江流接源從漢使窮東
漸咨伯禹南徙筴咸通

聖藻方貽誦誰能掩大功

二

覆鬴初成道宣房早築宮白魚圖自獻鼯鼠飲俱窮竹

石分苗楫芻漕輓會通河平膺爵賞看比徹侯功

看菊夜飲

別館丹霄近閒堂綺席開星辰天上合車馬日邊來絳
樹迴歌扇黃花汎酒杯東籬遺興在宮漏莫相催

答寄梅東渚二首

盡日懷東渚因風想北樓書來燕市暮人坐敬亭秋九
市驚三絕雙金起四愁思心逐河水直溯大江流

二

春到宣州麗花開宛水寒游仙真漢尉良友是都官雁
度忻留字鴻飛感漸磐草堂寄傲久猶肯憶長安

北行入兗州界同王明府作

城僻人烟少山行客路幽晚天低魯地秋色遍徐州峻
嶺盤蹊度清泉夾谷流同行王別駕不為海沂留

詠菊四首

陳中丞
席上作

紫袖西施

繡頰凌丹閣蛾眉掩絳紗粧遲當晚日袖薄翳朝霞翦

帔分仙侶和衣入館娃東牕頻倚笑尚見一枝斜

崧曰時座

客十三人五人為詩初傳是作至和衣句座客皆失色及畢主人命優人捧觴代花謝鯨折花四枝插車後歸

鶯語黃

籬落金衣散玲瓏寶樹齊窺人同甚熟密葉隔枝低織素還穿影攜柑當聽啼秋霜砧杵後恰有憶遼西

金穿宮

本是瓊臺種還疑上苑分銅鋪御殿月金梳貯宮雲共輦雙絲轡穿針五組文平陽歌舞在閣道正斜曛

蜜輪

油壁驅來近羊車望轉迂
傍攤遮蝶翅隔轆落花鬚
漆扇迴轅下黃支蔽道隅
夕飡同墜露一樣釀蜂酥

送劉勃安還淮陰

不見劉真長于今二十春
酒披燕市月衣落御街塵
家室真堪戀音書莫厭頻
眼前相送者豈是盛年人

二

未遂東山志還為南浦歌
高情薄俗少良友舊鄉多懷

壁驚投店堅冰好渡河淮陰城下柳長記聽擊婆

崧曰搜神

記以琵琶

為擊婆

寄何毅庵有感

時避人之長沙未歸

驃騎聲名在廬江譽望賒南臺餘柏葉東閣有梅花庭
下趨三俊屏深萃五車楚人謠詠巧切勿滯長沙

任黃門舊宅齋前新產芝草同友賦贈

綠野臨流遠丹芝繞砌開風為三秀發雲護九莖來攬
珮商山聘賡歌漢殿才鶴啣新簡至五色詎須裁

二

舊里藏書處，忻看瑞草生。
華文如霧合，煜質本星精。
鬱苑應同產，仙禽可代耕。
高門餘慶在，長見玉田榮。

赴臥龍山堂觀燈宴作

和姜太翁韻

星橋環曲幃，火樹敞高筵。
一任連宵雨，長如不夜天。
酒深看鳳舞，山靜似龍眠。
幸捧仙翁杖，閒堂景倍偏。

貽縣令

江縣桑枝秀，山城柳色新。
賈彪真似父，鄴令宛如神。
俸

薄稀隨吏庭閒少訟人置身琴鶴侶早晚得相親

二

十載忘兵革今來烽火傳
戟奸嘗秉鑑調戍自揮絃
操比橫江石貧無綰綬錢
閭閻凋敝久端藉宓生賢

北行即事

客病愁來劇徵書老去多
板鱗瞻紫闕載馬渡黃河
魯殿雲中出郊城雨後過
公孫方應詔其奈兩生何

客福州訪許不棄郡丞園居蒙留飲數日即事

書壁

閩嶠三千里師恩四十秋

蕪子瞻憶歐陽守穎日約客賦詩嘆曰師亡後四十春秋

無繼此矣予少受知郡丞大父平遠夫子故云通門傳北海舊路感西州好客

罇還滿文孫硯獨留到來清興發倚徙聽鳴鳩

二

名高嘗集履巷隘不容車近榻花千朵當階水一渠鳴

榔呼土附

池上擊板聲則魚集

結衽採軒于海上烽連後猶餘萬

卷書

三

敞閣山頻入閒園春易過樹深時鳥變草暗晝蚊多鮮

膾調紅粉香羹煑白螺座多名下士相顧一高歌

時鄭宮坊

高徵士陳孝廉蔡進士藍山人諸公在座

四

海畔探金鎖塔前倒玉缸卷蕉深當杓

次日摘蕉花片作卮侑酒臥

樹老橫牕壁幔晴猶濕鄉音醉更吮

座上多操閩音 閩南饒勝

事思煞釣龍江

客寓南園答曹明府見貽原韻

春風吹滬上春思復如何雲牖通蓬海花塔似馭娑道

書愁後解佳氣晚來多千里相依者桐江舊釣蓑

明府曾宰

桐廬故云

過沂州作兼寄州守邵君

纔入沂州境清思滿客懷周官通浸沫禹貢並徐淮秋
雨行彌促春風志未諧封軺無意度不欲近官齋

送林戶部使學河南

使帝東封轉星曹北斗懸名高班鷺日文變景龍年雲
路瞻司命天書獎進賢中原推轂重應贈繞朝鞭

二

授簡搜儒術驅車出帝鄉九徵剛矢效一顧鮮留良客
盡誇梁苑文曾貴洛陽三花開少室倍覺揆天長

夜飲家長倫宅

畫檻臨秋爽丹花滴露濃泉明懷舊族杜位感吾宗庭
樹年前種家書醉後封夜闌方秉燭月色正溶溶

福州訪陳紫巖舉人西園亭子即和其初還故

廬原韻二首

東越名賢繼西亭別宅居傍攔留綺石隙地種嘉蔬客
屐穿林迴園花着樹疎長春宮未廢游讌近何如

二

華閩名猶舊朱門望總非隔橋通水罩入座負垣衣津
繞龍還合倉空雀苦飢雨餘天一碧為看藥苗肥

高固齋徵士陳紫巖招予西園亭子雅集仍用

前韻同鄭幾庭宮坊前輩蔡思齋進士暨陳
越山許不棄藍公漪諸子

邀賓季倫澗載酒子雲居煎餅堆銀線淘羹攪露蔬談

深意氣淡醉後禮文疎應念東安客松齋定不如

唐秦系子

郡人曾寓此地東安種萬松自居故云

二

論世分今昔繙書驗是非花光明入牖海氣濕侵衣香
藝思俱冥膏饒腹易飢南閩春又盡何處逐輕肥

飲陳越山齋有贈同鄭宮坊高徵士諸公限韻
勝友連辰集高齋委巷通魚梁雙甃碧鴛粟一枝紅削
脯加春膳炊彫愛晚春道山亭下路總在醉鄉中

二

螺水環晴郭鸞臺接故居其尊人舊官省中進蒸和稻屑帶釀

漉花鬚特覓佳酒以連鬚為釀歌動牕前鳥談羸海外書楫兒能

下食誰謂鳳毛疎

和韻餞徐生克堅之益州幕

尚有涪江興母嗟蜀道難家因啣巖苦溪近浣花寒途
記緣愁作鄉書帶醉看慈闈春漸轉何以慰晨餐

二

名重游梁賦裝搖入幕情戍樓依晚泊江水向春生高
會僭賓主他鄉有弟兄益州橋畔月萬里一相迎

送曼殊有序

曼殊病中每夢阿母促之歸乃貌以木衣裝送奶奶

廟

且送青娥去言隨阿母歸
荷花開作面菊葉翦為衣
淚盡中途別魂離何處依
他時香案下相待莫相違

二

豈有登車意原無唾井情
因身長有病阿母鎮相迎
寶髻山桃挿香骸土木成
傷心未開閣生放小蠻行

秋杪陪羣公集同年馮太史宅觀菊分賦得潛
字

秋日照高檐秋花帶露沾
官貧門自掩客至酒頻添
軟

菜經宵凍疎衣減夏炎故園三徑在何處覓陶潛

二

清興招同館晴牕對曲慊篋中三豕渡花底一蜂潛下
食飢逾美深談慣不嫌滿頭思插去搔首白多多

題何毅庵宅

碧帙晴還展青山老更親春迴龍澗櫂晚着鹿皮巾結
珮常遺客分門在證人

劉戡山作證人社
以毅庵為都講

詩書饒萬卷

庭下有珣珉

紺上人赴崑山葉太史繭園請席聯句時宛陵
施少叅臨安丁禮部邦上吳刺史吳門錢明
府尤司理蔡茂才俱有和詩

金谷龍鱗澗

張杉

珠林燕子龕中軍新見請

姓

高坐舊能

參解筏當杯渡

杉

投詩滿藏函臨岐餘春戀

姓

相顧把優

曇

杉

二

送汝歸崑阜

姓

看君繫草鞋法傳迦葉妙

杉

詩比惠休

佳初地從招手

姓

三江宛入懷朱門曾遍歷

杉

可似住

茅齋

姓

雪中集詩牌飲李閣學宅

翠嶂雲俱合平橋路未乾
鶴歸棲院靜客至換衣寒
翦毳凌晨散涵暉向夜殘
坐看東閣啓同厭大官餐

葉公子守備清源

公子飽文史剖竹出東齊
天際掣鷹隼腰間瑩鷓鴣
陶山雲欲滿濮上柳初低
長嘯清泉上風流似鎮西

二

書生投筆早驃騎奉恩初鉅鹿方開壁聊城有射書春
風餞行幕遲日發輕車自笑頭將白無能佩玉魚

曼殊病

汝本雙成質秋來一病深燈前衣戀影身後語傷心惜
誓留金合延醫賣鈿簪北南歸未定魂去那能尋

二

但厭心長捧誰知病不甦無兒年頓盡恨母日來呼

初娶

時夢大士取盃中花見與故同館陳太史贈名曼殊及
病則曼殊自夢一姬携兒至曰汝本吾家物我擠眼汝
當隨我去其兒曰家去罷不去阿母么唱黛椀誰書刺子乏書記每晨必寫刺數板銀牀
想挈壺曼陀花一朵看向日邊枯

奉和杜相公元日即事原韻二首

輯瑞朝正後端圭祝

聖餘陽回鄒氏谷春滿段干閭荆楚調兵檄貞觀奏治

書冀階方啓莢誰謂禁花疎

貞觀唐年號出易
繫有平去二音

二

王春瞻首服相業繼當陽柏子懷貞切椒花引興長
祈年如召奭作歷授張蒼弟與朝元宴何須引奉常

益都夫子賜示閏中秋詩屬和依韻二首

三五今宵月曾從秋半開彩鸞驚又至顧菟喜重來
桂樹長臨鏡萸花待舉杯齊紈將棄置皦皦似新裁

二

西風吹未斷南呂琯猶開疊詠袁宏在聯槎海客來
雲留天柱月酒宿幔亭杯誰使瀛洲老還將水調裁

徐通政贈公生日

綠綺垂弧日彤庭賜杖年
賓筵張座右朋酒醉花前
石匱天邊字荆溪雪後船

恩綸方累錫應有鳳書傳

二

東國誇遺耆南州隱少微
內臺銀作構上柱玉為扉
海鶴鳴瑤席山龍畫舞衣
一陽吹律後漸見綵雲飛

集同年米贊善宅和韻

逼檻拔山雲幽花入徑分亭虛巖作幃石罅水生紋秘
笈閒中發清譚靜後聞隣園延眺晚高樹掛斜曛

西河集卷一百七十二

欽定四庫全書

西河集卷一百七十三

翰林院檢討毛奇齡撰

五言律詩

六

送陳參軍之任牂柯

京國三年別昆明萬里通官程踰洱甸郡舍傍烏充海
瘴連山白蠻花染貝紅題詩相寄遠應在石屏東

貞貞婦以未嫁死節

黃絹詞難妙青陵路易迷但歌貞女操不賦仲卿妻襦
結猶懸悅鬟垂豈副笄羅敷墳上烏到死未雙棲

凌君生日

君善醫其
子善奕

慈竹編成屋蟠桃斲作卮天垂襟宇濶霜入鬢毛遲鼓
櫂歸西塞提壺出上池歲華三百六庭下看枯棋

送孫太史充冊立使封安南國王二首

金冊三交使朱衣萬里身

聖恩優侍子賓禮覲王臣瀧海花如霧炎洲水似銀百

蠻開詔後併作日南春

二

故典淹儒術新王拜

御書去登朝漢闕歸負指南車象郡啣碑遠蒲泥賜印
餘邊亭爭負弩為認馬相如

閨中秋月下作

不信秋纔半翻憐月倍圓光流收潦後寒入降霜前星
沒南鴻盡天高朔吹連閨人前度拜只道又經年

賦得採菊東籬下

秋菊滿東籬黃花對酒卮
把來知坐久採去恨開遲
玉露摧丹葉金錢掛碧枝
故園三徑在回首一相思

贈張判官之武定州

趙軌分齊郡王祥治海康
筭篁遮古道桑椹接隣牆
山霧翻城白湖雲映綬黃
驅車因祿養不為斗筭量

二

半刺名通守長才補判官
院從施榻重壁掛佩刀寒
第

軾安駸驥桐棲惜羽翰堂堂公輔器敢作庶僚看

康熙十七年予以不學謬膺薦辟三辭不允兩
浙開府陳中丞竟投檄舍下勒攜赴部勉強
應命感而有作

恭誦

王言大深知儒術尊

九重思帝弼三辟及公孫府檄封投舍徵車駕到門微
臣久荒學乞放是

君恩

戢山戒珠寺

古殿倚嵯峨春風似永和龍歸華藏遠僧把戒珠多舊
巷看巢燕清池想浴鷺前王曾採戢霸業近如何

送洪昇歸里覲省

十載留京國三春返故扉興隨青草發夢逐白雲飛宿
旅尋題壁前途數換衣城烏翻堞堦相顧轉依依

二

孝友鄉人信才名國士聞
竭來依上舍此去浣中裙柳

記當門長星從過野分天涯
原有泪不用灑離羣

昇有曲名

天涯泪為
思親也

王黃門招遊祝氏山庄同施侍讀王祭酒徐大

贊善曹編修汪二檢討汪五主事即席限山

庄二字

尋花來杜曲載酒到柴關
朝士此時集春風竟日還
菰

蒲依檻外柳絮落衣間
相對塵襟豁渾疑返故山

二

頗覺春光盡，真成野興狂。
城南天自近，杯底日初長。
草閣迴林薄，花塍間水坊。
追陪王給事，認作輞川庄。

左暝樵歸里

君是忠良

後為忠毅公子

相逢早，記名題詩江令宅，供帳越

王城午雪當筵下，春潮接岸平。
前途如有憶，試看柳條生。

涇陽聞人明府之官索題卷子

燕市傾行酒秦關引去旛
陰人通五柞任土得三渠
林僻聞絃誦花明照簿書
到時春信早應見雨隨車

二

古道攜琴意荒亭負弩情
地高知野沃水濁驗官清
山雉當車乳村鷄近縣鳴
咸陽一百二行處是王程

奉陪馮夫子游萬柳堂和韻
同汪春坊陳檢討
林主事諸公

洛下三秋會城南尺五天
草茵沾墜露茶竈引孤烟
礙

柳移橋板澆花決壟泉謝公餘興在絲竹正泠然

二

名園饒暇日疎柳漏晴天水泐方收潦林深長帶烟尋
花度韋曲記石笑平泉千載登臨興吾思孟浩然

詠西平舊蹟八首

應西平令沈
明府之請也

柏亭

封國貽來久鄉亭望去新風清山郭曉雲度野橋春疆
理遙連楚桑麻宛在秦行車長駐處爭識種花人

積雪莊

四望白皚皚高風下石臺官橋冰未合汝水凍初迴峭
壁參天映窮櫺負日開縣家能掃雪應向洛陽來

周泊漁家

碧水橫梁筍青絲展釣車空村聞櫂唱前岸有漁家夜
雨流菰葉秋禽叫蓼花江洲吾有興何必上仙槎

分金岡

其八景名
義岡牧笛

入世懷良友長貧感素心非時猶韞玉何地好分金細

草全披徑斜陽半在林悠悠牛背上短笛是知音

龍淵

又名龍淵夜月

濫漱棠谿水蒼龍起石磻菁蔥蓮葉劍紫氣繞河干利器藏歐冶前朝廢鐵官清光千萬里渺渺向誰看

董孝子織女臺

贈珮天邊杳支機石上分荒臺啣晚照滿眼散秋雲磧蝶銷紅粉山花掩翠裙高堂如獻悅可用七襄文

鄧公陂

太尉多遺蹟中原感廢基當年曾伐蜀此地早開陂
迤北平田濶征西返道遲汪汪千頃在為爾一追思

邳君章遺塚

荒壠迷春草高丘帶夕陽我來時下馬一拜邳君章
史誌鴻名舊碑蟠螭首長蒼茫烟樹裏父老尚烝嘗

同年袁編修予養歸里

才子徵中制詞臣去北扉幾年同禁闥鎮日念庭闈
史祕菽銀管裝輕疊綠衣東明山下路應見白雲飛

二

朝天三館外愛日八甑餘
曉禁辭行幄春園御板輿
牕圍淇上竹饌入衛河魚
獨恨南游返居然戀直廬

奉和高陽相公元旦即事原韻

正始端樞景朝元散珮聲
日華方啓仗天氣欲銷兵
祝歲占黃桂開疆奠紫荆
萬幾勞首祚千載藉阿衡

二

甲子開元朔安危寄一身
敷天皆得歲大地總生春
玉

歷頌承久銀旛拜賜新不須房杜在宰相始稱真

送蔡生之攜李

生擅星學

放眼星辰外乘槎天漢中新書傳趙載高論本王充海
水分衣綠江城掛日紅由拳如望氣應過語兒東

友人移居

喜卜安仁宅應垂履道名青雲當牖出碧水繞堦生種
樹前人蹟迴車過客情翻嫌茅舍遠斗酒問柴荆

高侍講扈從

東巡盛京有贈四首

朔衛嚴清蹕

東巡簡從官持衣陪萬乘
蠹筆侍三壇仗扈龍驤
遠江迴鳴綠寒豐人鷄犬
在彌望即長安

二

御路通澄海

鑿輿狩盛京揆天流漢藻
計地出秦城班借千山影
詩題五國名長揚勞

聖眷早有射熊情

千山有九百九十峰近高句驪

三

豫動迎花壘春深暗柳旗
敷文頌韎韜前史著高驪
墓吊張僉事歌傳來護兒
十三山下住回首一相思

四

才子膺供奉

皇恩逮近臣百神黃道合
二月翠華春鐵嶺追仙校
凌河少凍人杏花山畔發
看點屬車塵

關外有杏山城大凌河冰凌入夏不

解

與邑尉劉君飲次

君本山陰人

莫厭雌猶伏須知蠖自伸
青袍映江草黃綬見鄉人
學並劉希美仙同梅子真
樽前須記取皓首是編民

送顧記室赴濟南幕

送汝游齊郡秋風起薊城
車前闕樹遠衣上海雲生
幕府藏珠廬函山訪玉嬰
徂徠能遍歷為我斲黃精

二

同作長安客君為歷下游贈鞭盈

帝里操瑟向齊州雁度平原嶺秋高望嶽樓白雲無定
所何處是滄洲

益都相公攜門下諸子游王大司馬園林即席
奉和原韻四首時首冬雪後

攬勝覓佳園入門生隱心巖從雲外接人向洞中尋絕

閣摩天豁空壇負日陰恍疑臨塞峽騎馬度彈琴

居庸關有

彈琴峽水
聲如琴

二

複磴風前折陰崖雪後寒橋迴雙澗落石隙一亭安翠
柱遮行幔銀牀漱急湍林踈垂縷絡尚有蔓胡蟠

三

遨遊勝西苑松菊想東澗

益都家近澗水

彭澤饒師弟平泉舊

友朋

相公與司馬為同年友

山光涵盡碧樹色落衣澄愚谷新移

處初時攀未曾

四

種花憐孟子

南方草花名

來鶴愛蘓耽簾捲千峰雪
總含衆

壑嵐書臺延遠眺酒石醒餘酣
千古藍田業何須在渭南

山陰王生屢枉缺候有詩并文稿見寄奉答

夜別西園久春還南泝稀
呂安長命駕皇甫未披衣
入世哀時命高文杜德機
前期千載在咫尺敢言違

朱文學載中童二欽震各有贈詩并詩稿寄示
答之以詩

妙論朱公叔佳名童漢宗
車中方合壁筆下儼追鋒
隔

水投雙鯉同時作一龍新詩都在眼開卷恨難從

伯興歸自新安

寶婺峰頭雨新安江上雲臨圻懷謝客歸路指桐君石
記前溪好烟攜滿袖芬不知招隱地可誦小山文

客晉安同諸公飲次贈蔡進士作

良讌追河朔雄文重子尼當軒閒結襪入座靜啣卮古
道歡逾朴鄉談褻不羈

座中鎮
操閩音

酒酣方待駕秉燭對彈

棊

蔡好飲
善奕

又贈藍山人漪

異地聞豪客同時擬謫仙
玉山行處倒銀海抱來眠
挾策裘還弊揮毫紙盡穿

山人善書

相逢林下士看解杖頭錢

徐水部權使歸朝

使出南關近天垂北望遙
暮年三奏績四海一歸輶
鳳語廷花轉鷄含署粉銷
軍儲催賦急平準幸相調

二

司水推何遜為郎返杜陵
雲亭需倚馬星路逐擔簦
國

計闕前草鄉書篋裡藤內廷詔近事只飲聖湖冰

三

駟馬官人餞雙旌使者回頻辭龍阜去會見鳳城開載

惜川林賦搜餘竹箭材難忘吟盼處不獨宋宮梅

南關
推署

有宋德壽宮梅水
部嘗咏詩索和

四

家乘饒中論闕門又著書

聖王勞補袞下士妄牽裾授策來前席娛賓屬後車淥

波江上路相望轉相紆

吳明府納姬聯句和韻

古署青鸞繞

姓

春城紫燕來筵前雙燭映

吳勝

裏一花

開單父琴方御

姓

藍田玉自我公門有桃葉

沐

看取隔

江迴

姓

二

兩槩西陵渡

沐

雙輪北府來燈垂百子豔

姓

扇逐五明

開陶柳當牕種

沐

潘花繞砌栽嘒星中夜望

姓

長共斗

杓迴沐

遇徐二成清同赴徵車有贈

幸附南州辟同為捧檄行名高重孺子親死媿毛生
黻珮當年意車徒此日情治安如有疏切勿效縱橫

上巳萬柳堂修禊奉和益都夫子原韻二首即

席

佳節三辰屆名園幾度過雨來新水漲風緩落花多
樹侵衣綠盤酥映面酡禊堂相隔久驚聽羽觴歌

二

臨水從周俗因風想魯壇草深埋野屐林密礙朝冠時
序杯中興雲山天際看明農丞相意只顧問園官

贈送郡司馬童使君赴任同沈光祿韻二首

展驥為參守分符向會稽人如崔北地官比謝安西輦
下詔編部車前賜屏泥褰帷將入郡江岸草初齊

二

暫借鈞衡器長懷荆楚材亭邊候騎列山半郡堂開披

牘驚雲豁清軍渡海來琪花能四照光氣滿蒿萊

陪游祝氏園即席和益都夫子原韻四首

招尋當雪霽此地得幽棲巖曲通流細林深入路迷魚
從寒潦伏鷄傍午烟啼扶杖追隨處悠然物我齊

二

梁苑抽毫至揚亭載酒過層冰封斷澗密雪抱繁柯隔
巷留賓騎長樊冑女蘿從來難和者唯有郢中歌

三

看山疑玉岫入室啓冰壺
白墮傾來淺紅塵到此無烟
霞忻自得牛馬任人呼况有
當牕菊亭亭不用扶

四

談深神自靜地勝境逾幽
傑閣憑來迥高岡坐去浮
文章增嶮峭杯筯起綢繆
燈火將歸晚行吟動暮愁

題諸暨傳貞婦圖畫

誰畫松和竹能分珉與玳
烏羊安用匹黃鶻不曾雙
冰鏡窺蘿石清流繞浣江
清宵思彼髭長自對銀缸

蛤大師之寧州

用蛤公贈韻

道人渡江去拂衣隔人群將攜剡川雪一臥匡廬雲妙
指天邊落清談石上聞內廷供奉久長憶

聖明君

蛤公會延住椒園故云

二

永夏辭天姥新秋去若耶題詩存八正飛錫近三巴鉢
隱龍宮樹衣裁鷺嶺花天涯相問處不記有恒沙

三

東土栖支遁南朝重惠休金臺邀

翠輦銅椀賜紅樓出伏山前虎行隨海畔鷗宗雷舊同

社相送上寧州

四

修溪石室好此地得精廬編戶知僧律長廊貯佛書
暫聆幽讚會常住淨明居誰道秋江上瞻雲過太虛

江上數峰青

同南
士作

極浦彈瑤瑟群山列翠屏烟林棲浪碧嵐氣近江青九

面開衡嶽雙螺洗洞庭不須悲帝子相望總冥冥

吳江顧生初度

每渡吳江水長思笠澤賢家傳三俊譽門繫五湖船釀
黍逢冬節栽花度晚年香山能自咏好著會昌篇

送汪檢討林舍人奉使琉球冊封中山王四首

水國稱藩遠儒臣奉使遙玉函天外啓金節日南標鯨
路開雲驛虹旗結海橋殊方倘懷闕萬里趨歸潮

北顧敷文命東行載德音
片帆沙際急孤島霧中深
天賚三縑玉波涵萬頃
金針槃隨所向總見使臣心

三

鳳詔從天下鵬程擊水飛
封留傳世寶到着賜時衣
蜃氣看成幄鮫人喜下機
主賓迎饗後頰首奉恩輝

四

荒服行人罕還朝觀禮成
高風占使節落日驗歸程
晚向龍宮別春從鰲背生
蠻方書帙帶礪敢不藉芳名

陪同館諸公飲喬編修宅即席和韻時同年尤

檢討予告將歸

秋早吟虫急官閒度馬遲柳風清入座燭影暗流卮筵
散茵嘗密堂深幔自垂明朝有歸客永夜且相隨

二

同舍愁分首當杯想乞身論文輸我輩索食向誰人庭
竹含烟細沙蒲入醞新夜涼衣露滴澆盡六街塵

周大公子赴河東參軍贈別

雅有參軍興新添從事銜
罌藏白墮酒桁掛綠羅衫
吏治思吳彥兵書却渾城
籌邊樓下路猶見石巉巉

二

庾杲才難敵嘉賓望自隆
一官歸幕府三絕去河東
槐簡分衣碧蓮花汎水紅
題詩相望起多在晉陽宮

和秋日閒居詩十首

有序

同年喬編修示閒居詩屬和嗟乎我乃無居

時借寓王光祿

宅因於奔走之暇陸續和此悉依原韻見者毋哂為

不聞乃可耳

鮑照非無解張融未有居登朝真懶散涉世太迂踈僕
老艱持刺官貧厭較書徒言殘暑退煩悶幾曾除

二

訪客還三市尋真過五家馬頭飛候雁寺裡見秋花近
塞風逾上衰年日易斜所忻陪宴飲日日醉流霞

三

偃息竟何事驅馳了不知宦情供嘯咏蠻語拙言詞投

筆增三嘆還書又一嗤東家有供奉且與譜龜茲

四

洛下吟初慣廬江客已殘驚心陪祖帳違例入句攔結
組當年邁遺鞭在夜闌有田鉏未得何處問倪寬

五

名難垂後世賦乃嘆同時蒼髻歸金馬黃庭鎖玉匙酢
梅空濺齒變豹豈留皮特愧終貧窶長膺鮑叔知

六

依人在廊廡與客度朝晡竹牖穿雲眼苔衣繡土膚傍
身遮短褐無力養長鬚誰道佯狂者能令禮法拘

七

緘文愁玉柙食繪想金壘賄在應焚齒香消那噬臍涼
深知夏遠望久覺天低借問郝公舍今還在剡西

八


綠髮含霜淺黃塵着袂輕當車翻拓影隔巷賣錫聲肘
繫還丹訣胸無堅白鳴徒吟玉粲賦安得俟河清

九

但署崇文館從無治事齋
花甌看局促壘白費安排
白壁誰留珮青錢勿繫鞋
北山如可返吾欲訪洪崖

十

帶草枯難縛籬花落未拈
歲時終有盡出處那能兼
興至繡書簾顏衰避鏡奩
秋來逢短景尚恐舊愁添



西河集卷一百七十三